



Te Avae Febuare 1958

TE HEHEURAA API

“E Piti Tauatini Matahiti Matamua”

Mai te au i ta tatou i haapii, ua ani Aberahama i te Atua ra, ia haamitaibia te arii tane e te arii vahine o Gerara ia tia ia raua ia fanau i te tamarii, e te faaite mai nei te mau irava mo'a e, ua fanau ihoa te vahine a taua arii ra. Oia'toa, te vahine a Aberahama o Sara, ua fanau atoa oia i te reira ihoa matahiti.

Ua oaoa roa raua i to raua fariiraa i taua tamaiti iti ra, no te mea ua paari roa raua, oia hoi, ua iva ahuru to Sara matahiti, e to Aberahama matahiti, ua hoê hanere tia ia. Ua horoa raua i te i'oa o Isaaka i ta raua tamaiti, no te mea, o te reira ihoa te i'oa ta te Atua i faataa no'na hou to'na ra fanauraa.

I te mahana i haamairihia'i ta'na û, ua faatupu Aberahama i te hoê oro'a rahi amuraa maa. A haamana'o tatou e, te parahi noa ra o Hagara e ta'na tamaiti o Isemaela i pihaiho ia Aberahama ma i te reira mau mahana, e no reira, i taua oro'a rahi ra, ua tahitohito mai tera vahine i te ohipa tei ravehia. Ua maoro to Sara faaoromairaa i te huru o taua vahine ra e no reira, ua parau atura oia ia Aberahama ia tiavaru ê atu ia'na e ta'na tamaiti, ia ore taua tamaiti ra ia riro ei taata ai'a atoa, raua o te tamaiti na'na, oia hoi, o Isaaka. Ua mauini roa o Aberahama i taua parau ra, no te mea, e tamaiti atoa o Isemaela na'na, area râ, i to'na fariiraa i te hoê heheuraa no ô mai i te Atua ra, ua maha to'na mauini. Ua na ô mai te Atua e, “*Eiaha oe e mauini i te tamaiti na, e i to tavini vahine na; e faaroo oe i te re'o o Sara ra, e ta'na parau atoa i parau mai ia oe ra, e riro hoi na Isaaka taua huaai no oe ra: e faariro atoa hoi au i te tamaiti a tera ra vahine tavini ei nupaa atoa ia; no te mea, e huaai atoa oia no to oe ra utuafare.*”

Ua fatata o Isemaela i te ahuru ma pae, o to'na ra matahiti, i haere ai oia, e to'na ra metua vahine, i roto i te

medebara. Ua horoa Aberahama i te maa e te pape ia raua i to raua haereraa, area râ, aita i maoro, ua pau ta raua pape i roto i te hue ra. Ua tuu ae'ra o Hagara i ta'na tamaiti i raro a'e i te tumu raau, haere atura oia i te atea, i te na ô raa e, "*Eiaha vau ia ite i te peheraa o ta'u tamaiti....*" Ua faarahi oia i to'na re'o, oto atura.

I reira, ua faaue mai te hoê melahi a te Atua ia'na ia rave i ta'na tamaiti ia Isemaela ra, e e riro ia oia ei nunaa rahi. Ite a'era o Hagara i te hoê apoo pape, e no reira, ua faa'i oia i te hue, faainu atura ia Isemaela i te pape. Mai te mahana mai â, ua tauturu te Atua i te reira tamaiti e ua tupu oia i te rahi. Faariro atura oia i te reira fenua aihere ra ei parahiraa tumu no'na ra, e ua tii to'na metua vahine i te hoê vahine na'na, no te fenua ra no Aiphiti.

UA TAMATAHIA O ABERAHAMA

Ua oaoa noa o Aberahama i to'ua fariiraa i te mau heheuraa no ô mai i te Atua ra, area râ, i te hoê mahana ua tupu roa to'na oto rahi i to te Atua parauraa mai e, "*A rave i to tamaiti i tena na, i to tamaiti hoê ra ia Isaaka, ta oe e here na, a haere ai i te fenua ra o Moria, pûpû mai ai ia'na i reira ei tusia taauahi i nia i te hoê mou'a na'u e faaite ia oe.*"

Ua maere roa o Aberahama i teie huru faaueraa, no te mea, ua mana'o oia e, aita roa'tu te Atua i hinaaro ia pûpûhia te taata ei tusia taauahi mai ta te mau Edene i rave. Ua maere atoa oia i te mea e, ia taparahi oia ia Isaaka, nafea e tupu ai te parau a te Atua e, e huaaihia Aberahama na roto ia Isaaka ra.

Noa'tu i to'na oto rahi, ua tia Aberahama i nia i te poipoi roa ra, faaineine atura no te haereraa i nia i te mou'a, E maha ratou i to ratou haereraa, o Aberahama, o Isaaka, e na tavini toopiti ra, e ua toru mahana to ratou haereraa hon ratou i tae ai i te vahi tei parauhia ra o Moria. I reira,

ua parau Aberahama i nā tavini ia faaea raua i reira, haere atura raua o Isaaka i nia i te mou'a. O Isaaka tei amo i te vahie i reira, e ua na ô a'era oia i to'na ra metua tane e, "*E ta'u metua, inaha te auahi e te vahie: teihea râ te pinia mamoe ei tusia tauuahi ra?*" Ua pahono atura Aberahama ia'na, "*E ta'u tamaiti, na te Atua iho e imi i te hoê pinia mamoe ei tusia tauuahi.*" Hæere atura raua e tae noa'tu i to raua taeraa i taua vahi i faaitchia mai e te Atua ia'na ra. Ua patu ihora Aberahama i te hoê fata i reira, e ua fata maite ihora i te vahie, e ua runruu atura i te tamaiti ia Isaaka, ua tuu atura ia'na i nia i taua fata ra, i nia iho i te vahie ra.

Aita tatou i ite i te parau a Aberahama i ta'na tamaiti i te reira taime, area râ, ua ite ihoa tatou e, ua mauui roa to'na mafatu i te oto rahi, i to'na faatororaa i to'na rima e to'na hoi raveraa i te tipi e taparahi i ta'na tamaiti here.

Area râ, i te reira taime, ua tiaoro maira te melahi a te Atua ia'na ia faaea, eiaha ia taparahi ia Isaaka, ua tamata noa te Atua ia Aberahama ia itehia te huru o to'na faaroo, e inaha, ua itehia e, e faaroo rahi to'na. I reira, ua ite Aberahama i te hoê mamoe oni, e ua rave oia i te reira ei tusia tauuahi. A haamana'o tatou i to'na oaoa e to'na hoi mauruuru i to'na raveraa i ta'na tamaiti here ia Isaaka ra, e to raua ho'iraa mai no nia mai i te mou'a ra.

UA'TAUIFAAHOU ABERAHAMA I TO'NA PARAHIRAA

I te reira ra mau mahana, ua haere Aberahama i te fenua aihere tei parauhia Bere Seba, parahi ai. O Sara râ, ua haere ia oia i Heberona no te hoê tumu i ite-ore-hia e tatou, e i te hoê hanere e piti ahuru e ma hitu o to'na ra matahiti, ua pohe oia. Oia ana'e ibo te vahine, ua faaitchia to'na matahiti e te vahi i pohe ai oia i roto i te Bibilia. Ua faaite-atoa-hia te vahi oia i tanuhia'i. Oia hoi, no te mea aita to Aberahama e fenua no'na iho, ua haere oia i te mau

tamaiti o Heta ra, ani ai i te fenua no'na, no te tanuraa i ta'na vahine. No te mea ua faatura e ua here hoi te mau taata rahi o Kanaana ia Aberahama ra, ua horoa i hora ratou i te vahi numera hoê ia'na. E no reira, ua huna Aberahama i ta'na vahine here i roto i te ana i te aua o Heberona, oia hoi, i te fenua ra o Kanaana.

Uiraa 1. Ehia matahiti to Sara rana o Aberahama i te fanuraahia mai o Isaaka? Na vai te reira i'oa o Isaaka i horoa ia'na? Eaha tei tupu i te mahana i haamairihia'i ta'na û? Eaha tei tupu ia Hagara rana o Isemaela i roto i te medebara ra? Nofea mai te vahine a Isemaela?

2. Eaha te hoê heheuraa tei faatupu i te oto rahi i roto ia Aberahama? Ehia ratou tei haere i nia i te mou'a? Eaha taua mou'a ra? I to Isaaka uiraa'tu ia Aberahama e, "*Tei hea te pinia mamoe eitusia taauahi?*" Eaha ia te pahonora a Aberahama? Ua tano anei te reira pahonora? Eaha te tumu te Atua i faaue ai ia Aberahama ia pûpû atu i ta'na tamaiti?

3. I te reira mau mahana, ua haere o Aberahama ihea parahi ai? E ta'na vahine o Sara? Ehia to'na matahiti i pohe ai oia? Ihea to'na tanuraahia? No te aha i maere ai te faaiteraahia o to'na ra matahiti, e te vahi i pohe ai oia?

I te poheraa o ta'na vahine, ua haamata o Aberahama i te imi i te hoê tamahine ei vahine na ta'na tamaiti, no te mea, ua toru ahuru e mahitu to Isaaka matahiti i reira. O teie te tumu oia i ore i faaipoipo ai, oia hoi, no te mea, aita roa'tu te hoê vahine maitai no roto i to'na iho nunaa e roaa i Kanaana. Ahiri o Isaaka i rave i te hoê vahine no roto mai i te ati Hama ra, e faaerehia ia ta'na tamaiti i te Autahu'araa. E no reira, na faaue Aberahama i te hoê tavini paari ia haere i to'na ra fenua i to'na mau fetii ra, a imi ai i te hoê vahine na Isaaka.

Ua ui râ te tavini ia'na e, "*E mai te mea eita taua vahine ra e hinaro i te pee mai i muri ia'u i teie nei fenua? E faaho'i anei au i to tamaiti i te fenua no reira mai oe?*"

Aita roa'tu o Aberahama i hinaaro ia haere ta'na tamaiti i Mesopotamia, te fenua no reira mai oia, no te mea ua horoahia te fenua Kanaana ei fenua a'ia no te huaai o Aberahama, e no reira, e mea tia roa ia parahi noa o Isaaka i reira ia rahi ta Aberahama huaai i nia i taua fenua ra.

E no reira, ua rave taua tavini ra i te hoê mau taata e te mau kamela hoi, e ua haere atura ratou i te oire o Nahora i te fenua ra o Mesopotamia. I te hoê ahiahi, oia hoi, i te hora e tae mai ei te tamahine e huti i te pape, ua tae ratou i te hoê apoo pape. I reira, ua pure te tavini o Aberahama i te Atua i te na ô raa e, "*Inaha, te tia noa nei au i teie nei apoo pape, e te haere mai nei te mau tamahine a te mau taata o teie nei oire e huti i te pape. E teie nei, e faatia mai oe, e te vahine ta'u e parau atu e, A tuu mai na i ta oe farii pape ia imu vau; e ia parau mai oia e. A inu, e e faainu atoa vau i te mau kamela na oe; ia riro oia ei vahine i haapaohia e oe na to tavini na Isaaka; e e ite hoi au i te raira e ua hamani maitai mai oe i tau fatu nei.*" (Genese 24:12-14)

Aita ta'na pure i amenehia, i tae mai ai te hoê tamahine tei parauhia o Rebeka ma ta'na farii pape i nia i to'na ra taponu, e taua tamahine ra, e mootua ia oia no Nahora, te tuaana o Aberahama. Ua ani te tavini ia'na ia faainu ia'na i te pape, e ua na reira ihoa oia. I reira, ua na ô maira taua tamahine ra e, "*E huti atoa vau i te pape na te mau kamela na oe, e ia fii ana'e ratou.*" E no reira, ua faainu atoa oia i te mau kamela pau roa. Ua ite te tavini i reira, o teie ihoa te tamahine ta te Atua i tonu mai. Ui aturâ te tavini ia'na e, "*E tamahine oe na vai? E ô anei matou i te fare o to metua ia taoto?*" e ua faaite mai o Rebeka e, e tamahine oia na Betuela, te tamaiti a Nahora, e ô hoi ratou i to'na ra fare ia taoto.

I reira, ua horoa te tavini i na tapea auro e piti no te rima o taua vahine ra, e te tapea taria atoa hoi, Pi'o atura oia i raro, ma te haamaururu i te Atua no te manuia o ta'na ra ohipa. I roto i ta'na pure, ua faahiti oia i te i'oa o to'na fatu o Aberahama. I to Rebeka iteraa e, e tavini te reira no Aberahama ra, horo ihora oia i te fare, i te faaiteraa i to'na ra mau fetii. E tuaane to Rebeka; o Labana to'na i'oa, e ua horo mai oia i te tavini i te apoo pape ra, afai atura ia'na i roto i te fare. Ua faaite te tavini ia Labana e to'na metua tane ia Betuela i te tumu no to'na tere, e te ravea oia i ite ai e, o Rebeka ihoa te tamahine ta te Atua i faataa ei vahine na Isaaka. I reira, ua na ô mai Labana raua o Betuela e, "*No o ia Iehova taua parau nei, eita hoi e tia ia matou ia parau noa'tu i te maitai e te ino; inaha, tera mai o Rebeka i mua i to aro na; aratai, a haere; ei vahine oia na te tamaiti a to fatu, i ta Iehova i parau ra.*" Pi'o faahou ihora te tavini i raro, haamori atura i te Atua. E ua horoa faahou oia i te hoê mau tao'a aroha nehenehe roa na Rebeka, e to raua atoa hoi metua vahine.

I te poipoi, ua faaineine te tavini no te ho'iraa i Kanaana; ua hinaaro râ o Labana e to'na metua vahine i te tapea rii ia Rebeka, tono atu ai ia'na. Ua parau ra o Rebeka, "*Eiaha-e haere ia vau,*" Haamaitai atura ratou ia Rebeka i te na ô raa e, "*E tuahine oe no matou, ia riro oe ei metua no te taata atoa e ia tausani, e ia tausani atu te tausaniira, e ia riro te uputa oire o to oe ra huaai.*" Oia hoi, na roto i te huru o ta ratou parau, mai te mea ra e, ua mâtau-ratou i te tohu e, na roto ia Aberahama ra, e tupu mai te hoê mau nunaa rahi. E no reira, na roto i to'na faaipoiporaa ia Isaaka, e riro ia o Rebeka ei metua no te mau nunaa.

Haere atura te tavini e to'na ra mau taata, e o Rebeka hoi, i te fenua ra o Kanaana. I to ratou taeraa'tu i reira, ua horo mai o Isaaka e farerei ia ratou. Ua oaoa roa oia i to'na iteraa i te vahine nehenehe tei maitihia ei vahine na'na, e ua

mauruuru atoa hoi o Rebeka i to'na iteraa ia Isaaka. E no reira, ua faaipoipohia raua, e ua maitai roa hoi to raua faaearaa.

UA FAAIPOIPO FAAHOU O ABERAHAMA

Ua faaipoipo atura Aberahama i te tahi vahine, o Ketura to'na i'oa: fanau ihora o Zimerona, e o Iokasana, e o Medana, e o Midiana, e o Isabaka, e o Sua. E no reira, ia tai'o-atohia o Isaaka e o Isemaela, ua vau atura ta'na tamarii tamaroa. Ua ite ihoa o Aberahama e, ia pohe oia e tupu te feii e te mârô i rotopu i ta'na mau tamarii no ta'na faufaa, e no reira, ua tatufaa oia i ta'na faufaa, a ora'i oia, ma te horoaraa'tu i te hoê mau tao'a aroha i ta'na mau tamarii atoa. Te rahiraa râ, ua faataahia ia na Isaaka.

E no reira, i te 175 o to'na ra matahiti, ua pohe o Aberahama. Ua riro te reira taime ei otoraa rahi na te mau taata atoa, e na Isemaela e o Isaaka i huna i to'na tino i roto i te ana i te fenua i Heberona, oia hoi, i te vahi i tauuhia o Sara. Ua faaite mai te mau irava mo'a e, ua riro o Isemaela ei "*taata oviri i reto i te medebara ra*", area râ, te ite nei tatou e, no to'na here rahi i to'na ra metua tane, ua ho'i mai oia no te hunaraa ia'na, e ua tauturu oia ia Isaaka i te reira ohipa.

Uiraa 1. Ehia matahiti to Isaaka i te poheraa o to'na ra metua vahine? Eaha ia te tumu oia i ore ai i faaipoipo? No te aha o Aberahama i ore ai i hinaaro ia haere o Isaaka i Mesopotamia? O vai tei haere i reira i te imiraa i te hoê vahine na Isaaka?

2. Eaha tei tupu i te apoo pape ra? O vai taua tamahine ra? E tamahine ia na vai? O vai to'na tuaane? Eaha ta raua i parau i te tavini no te faaipoiporaa ia Rebeka e ia Isaaka ra? Na roto i to Rebeka faaipoiporaa ia Isaaka, ua riro oia ei aha?

3. Ehia tamarii tamaroa ta Aberahama? Na vai taua na tamarii ra? O vai tei'oa o ta'na vahine hopea? Ua horoa-pauroa-hia ta Aberahama faufaa i te tamarii hoê? Na vai te reira i faataa? Ehia matahiti to Aberahama i pohe ai oia? Na vai oia i hunu? No te aha tatou e maere ai i te mea e, ua tauturu atoa o Isemaela? Ihea o Aberahama i tannhia'i?
3. Ehia ui tei faaitehia i roto i te mau haapiiraa ta tatou i haapii a'enei? Eaha te haapiiraa rahi roa'e tei roa ia tatou na roto i taua mau haapiiraa nei?

E no reira, e homa, i to tatou taeraa i te hopea o to Aberahama oraraa, ua tae atoa ia tatou i te hopea no na matahiti matamua e piti tauatini ra, mai te au i tei papaihia i roto i te mau papairaa mo'a. Ua piti ahuru ui tei faaitehia i roto i taua tuatapaparaa nei, oia hoi, mai ia Adamu e tae noa'tu ia Aberahama ra, oia hoi, ua piti ahuru ui o te hoê mau taata mai ia tatou te huru. Hoê â ia oaoaraa, hoê â ia otoraa, hoê â ia mau ohipa i titauhia ra, e hoê â hoi ia mau huru. Ua aifaito te îraa o te evanelia tei horoahia ia ratou ra i te îraa o te evanelia tei horoahia mai ia tatou nei. E te Atua tei haamaitai ia ratou ra, hoê â ia Atua te haamaitai nei ia tatou i teie nei mahana. Hoê â huru Oia i ananahi ra, i teie nei mahana, e a muri noa'tu. O teie hoi te haapiiraa rahi roa a'e, te tia ia tatou ia tamau, na roto i to tatou haapiiraa i te tuatapaparaa o to teie nei ao no na matahiti matamua e piti tauatini ra.



Te Tîtîraa O IUDA

(2 Arii 24 - Te Buka a Ieremia.)

Ua itehia te tufaa apatoa o tei riro i te matamua ei basileia rahi na Solomona e na Davida, i raro a'e i te i'oa te basileia o Iuda ra, ma to ratou oire pû i Ierusalema ra. Noa'tu te vai ra te hoê hiero rahi i rotopu i to'na ra mau taata, e ua rave rahi hoi te mau taata o te ora ra i Ierusalema, tei haere i te mau mahana atoa i te hiero no te haamori atu i te Fatu, ua rave rahi atoa hoi te mau feia parau-tia ore i roto i te basileia o Iuda ra. E ua riro atoa te tahi pae o te mau arii o taua basileia ra, ei mau feia parau-tia ore, e ua aratai ratou i to ratou mau taata i roto i te hara.

No te rahi o te parau-tia ore o te mau taata, aita'tu ta te Fatu e ravea, maori râ i te tonoraa'tu i ta'na mau peropheta i rotopu ia ratou no te faaara'tu ia ratou ia tatarahapa. I te taima a parau atu ai te mau peropheta ia ratou, faa haamana'o atura ratou, ia ratou, i te mau taata no te basileia o Iseraela, i te pae apatoerau, tei afai-tîtî-hia no te mea, ua patoi ratou i te taviniraa'tu i te Fatu. Ua parau atu te mau peropheta, i te mau ati Iuda, e rave atoa hia ratou ei mau tîtî mai te mea eita ratou e fariu ê atu i to ratou parau-tia ore ra. Aita te pae rahi o te mau taata i haapao noa'tu i te reira mau parau faaara e na hamani ino hoi ratou i te mau tavini a te Fatu ra.

O Ieremia ia te hoê o te mau peropheta rahi tei vai i taua mau mahana ra. O Lehi atoa hoi te tahi, o tei arataihia, i muri a'e, e te Fatu, i te hoê fenua apî i paraubia maira i America - te vahi i itehia'i to'na ra mau taata i raro a'e i te i'oa ra e ati Nephi e te ati Lamana hoi. I te haamataraa na vahavaha noa mai te mau ati Iuda ia Ieremia, e ua ata ratou ia'na i to'na parauraa mai e, e afai-tîtî-hia ratou. Ua faahapa noa râ te mau peropheta ia ratou no ta ratou mau hara, e i te

hopea ua riri roa te mau taata i te mau peropheta e tamata ihora i te taparahi ia ratou ra.

Ua horoa mai te Fatu i te tahi mau orama ia Lehi. Parau atura oia i te mau taata e, eita e maoro e tono mai te Atua i Ta'na Tamaiti Here, i nia i te fenua nei, ia riro oia ei Faaora no te mau taata atoa. Ua parau atoa mai o Lehi e, mai te mea e faaroo ratou i te Fatu, e tia ia faaorahia ratou i ta ratou mau hara, area ra, mai te mea eita ratou e tatarahapa, e faautuahia ia ratou.

Tei te mau taime a a'o haere atu ai o Lehi i te reira mau parau i te ati Iuda ua tamata ratou i te taparahi ia'na. Ua herehia ra o Lehi e te Fatu, no to'na parau-tia, ua parau maira ia'na i roto i te hoê taoto. E i te reira taime ua faaue mai te Fatu ia'na ia rave oia i to'na utuafare fetii e ia faarue i Ierusalema, no te mea e haruhia tana oire ra e e afai-tîti-hia to'na ra mau taata. Haaputu ihora o Lehi i to'na ra utuafare e aratai atura ia ratou i roto i te medebara, ma te haamata i to ratou tere o tei aratai atu ia ratou i te fenua America, mai ta te buka a Moromona i faaite maira.

Ua rave tamau noa o Ieremia i ta'na ohipa i rotopu i te mau taata. Ua tohu atu oia e, mai te mea eita ratou e tatarahapa e afai-tîti-hia te nunnā atoa e to Babulonia ra. Māta'u ihora te mau ati Iuda, no te mea, e mea ri'ari'a na ratou te ino rahi a to Baburonia. Faaite atura Ieremia, i te mau ati Iuda, e tae to ratou tîti'raa i te hitu ahuru matahiti i te maoro, aita râ ratou i tiaturi noa mai i ta'na i parau atu.

I te hoê mahana tae maira te hoê ve'a i te arii ma te parau atu ia'na, teie mai nei te mau nuu o Babulonia i te haereraa mai e tama'i i te basileia o Iuda ra, e ua arataihia ratou e to ratou arii o Nebukanesa ra. I tana taime ra aita roa to Babulonia i haamou i te basileia, ua rave noa râ ratou i te tahi mau ati Iuda ei mau tîti na ratou.

Pau atura na mataliti e hitu ra, e aita te tama'i i tupu faahou i te reira tau. Ua haere noa te tiaturiraa o te mau taata i te iti-roa-raa i te mau parau ta Ieremia i parau ia ratou. Area ra, i te vau o te matahiti, haere-faahou-maira te mau taata no Babulonia, rave ino ihora i te mau oire e rave rahi, e te mau aua faaapu, e ua afai ê atu ratou i na taata e 11.000 ei mau tîti na ratou.

Tuu atura te arii ra o Iuda, o Iehoiakima ia'na iho ei tavini no Nebukanesa ra, area ra, ua vaiiho-noa-hia oia ia parahi i nia i to'na ra terono. Noa'tu ra i te reira, ua riro oia ei tavini mau no te arii ra o Nebukanesa, e ua faatere noa oia i te hau i raro a'e i te faatereraa a to Babulonia ra. I te tahi mau matahiti i muri iho, orure a'era o Iehoiakima i te hau a to Babulonia ma te parau e, ua tiamâ to'na ra fenua. Ua parahi noa oia no na matahiti e hoê ahuru e ma hoê pohe ihora oia e ua monohia oia ei arii, e ta'na ra tamaiti tei parau-atoa-hia e o Iehoiakima. I roto i te area e toru ava'e haere-faahou-maira o Nebukanesa i Iuda e rave atura i te arii apî, e te mau taata e rave rahi no'na, e afai atura ia ratou i Babulonia ra. E tei rotopu i tei afaihia i Babulonia, i taua tau ra, te peropheta ra o Ezekiel ra. Ua mairihia te hoê o te mau taeae o te arii ra o Iehoiakima i te i'oa ra o Zedekia. Maiti ihora o Nebukanesa ia'na no te faatere i te hau ra o Iuda i raro a'e i te faaterera a to Babulonia ra e ua farii o Zedekia i te reira faauraa parau ra.

I te tahi mau matahiti i muri iho ani atura o Zedekia i te tanturu a Aiphiti no te faa tiamâraa ia Iuda ra. E i reira aro faahou maira to Babulonia i te ati Iuda, area ra, i to ratou faarooraa e, te tono maira to Aiphiti i te hoê nuu no te tanturu ia Iuda, haere ê atura ratou.

E Tuatihia i te ava'e i mua nei.

Marcel Bonnet.

LA VIE RESTAUREE A SA PERFECTION EDENIQUE

Après avoir rendu à la terre l'état glorieux qu'elle avait à sa création, en abaissant les montagnes, élevant les vallées, aplanissant les lieux raboteux, rendant aux déserts leur fertilité, réunissant ensemble les îles et les continents, et délivrant notre planète de sa malédiction pour qu'elle ne produise plus ni bêtes nuisibles, ni ronces, ni épines; l'oeuvre suivante du Seigneur sera de rendre à la création animale son état primitif de paix et de gloire, en faisant en sorte que toute cause d'inimitié disparaisse de la terre. Mais cela ne pourra jamais être, tant que le genre humain n'aura point été frappé d'une destruction générale, qui purifiera entièrement la terre et la délivrera de toute espèce d'iniquité. Ce qui s'exécutera par la verge de sa bouche, et par le souffle de ses lèvres; ou, en d'autres termes, au moyen d'un feu universel comme le déluge. Esaïe nous dit (XI, 4 0): "Mais il jugera les pauvres avec équité, et Il prononcera avec droiture sur les malheureux de la terre; il frappera la terre de sa parole comme d'une verge et du souffle de ses lèvres, il fera mourir le méchant. La justice sera la ceinture de ses flancs et la fidélité, la ceinture de ses reins. Le loup habitera avec l'agneau et la panthère se couchera avec le chevreau; le veau, le lionceau et le bétail qu'on engraisse seront ensemble, et un petit enfant les conduira. La vache et l'ourse auront un même pâturage, leurs petits un même gîte; et le lion, comme le boeuf, mangera la paille. Le nourrisson s'ébattra sur l'antre de la vipère et l'enfant sevré mettra sa main dans la caverne du basilic. Il ne se fera ni tort ni dommage sur toute montagne sainte; car la terre sera remplie de la connaissance de l'Eternel, comme le fond de la mer par les eaux qui couvrent."

Après avoir ainsi purifié la terre, et l'avoir remplie de la connaissance de Dieu comme les eaux couvrent le fond de la mer; après avoir répandu son esprit sur toute chair, les hommes et les bêtes deviendront tous parfaitement inoffensifs, comme ils l'étaient au commencement; leur nourriture sera purement végétale; et il ne restera plus rien qui soit susceptible de nuire ou de donner la mort dans toute l'étendue de la création. Les prophètes nous font plusieurs glorieuses descriptions des félicités dont jouira alors la famille humaine.

“Ils bâtiront des maisons et les habiteront; ils planteront des vignes et en mangeront le fruit. Ils ne bâtiront pas des maisons pour qu'un autre les habite, ils ne planteront pas des vignes pour qu'un autre en mange le fruit; car les jours de mon peuple seront comme les jours des arbres, et mes élus jouiront de l'oeuvre de leurs mains. Ils ne travailleront pas en vain, et ils n'auront pas des enfants pour les voir périr; car ils formeront une race bénie de l'Eternel, et leurs enfants seront avec eux. Avant qu'ils m'invoquent je répondrai; avant qu'ils aient cessé de parler, j'exaucerai” Esaïe 65:21-24.

Au cours de cette heureuse époque de l'existence humaine, il paraît que tous les hommes vivront sur la terre aussi longtemps qu'un arbre, et cela sans douleur ni chagrin; tout ce qu'ils demanderont, ils l'obtiendront immédiatement, et tous leurs besoins seront même prévenus. Et alors, sans doute, aucun d'eux ne dormira plus dans la poussière, car tous aimeront mieux être transmués, c'est-à-dire changés en un clin d'oeil de leur état de mortalité en celui d'immortalité; après quoi, ils continueront à régner avec Jésus-Christ sur la terre.

Toni Orometua

PARAU RII API

Te Mau Oorometua Haapii Tamarii

A tapae mai ai te pahi tourist o Maripote, i te 10 no Tenuare, ua farerei matou i te mau orometua e 25 o te haere i te fenua Niu Zilani. Ua maitihia taua mau orometua nei ei orometua haapii tamarii i roto i te fare haapiiraa na te Ekalesia i Niu Zilani. Ua rau te huru no to ratou mau toro'a orometua, no te mea e rave rahi te mau huru haapiiraa i mana'ohia na ratou e haapii. Ua maitihia ratou no na matahiti e maha ia faaea i reira haapii ai. Te haere atu nei ratou ei mau orometua haapii no te mau tamarii paari i reira i teie nei tau. Ua mana'ohia ia pau teie na matahiti e maha to ratou haapiiraa i reira, ua navai paha ia te mau orometua tumu no taua fenua ra no te haapiiraa'tu i te mau ui apî. I to ratou taeraa mai ua faatupubia te hoê fariiraa no ratou e te amaa Papeete. Ua mauruuru roa ratou i te mau tao'a rii aroha tei horoahia na ratou, e ua himene mai ratou i te tahi na himene popaa.

Te Tomoraa Fare Pureraa I Paea.

Ua faataahia te 5 no Eperela ei mahana tomoraa i te fare pureraa i PAEA. I te 5 no Eperela ei reira tatou e tomo atu ai i roto no te haamaitairaa'tu i te Atua no teie nei fare Ta'na i horoa mai no te raveraa i Ta'na ra mau ohipa. I muri iho i te reira, e haamatahia'tu ai te mau ohipa i faataahia no taua mahana ra, e tae noa'tu i te 6 no Eperela.

Te faaineine nei te amaa Paea i te tahi piece, e te tahi mau faaoaoaraa no taua na mahana ra, ia riro te reira ei mahana rahi na te Ekalesia i teie pae au.

Melo Mataro Farani.

I te tae raa mai te pahi Manua ra o LA GRANDIERE tei nia iho te hoê tamaiti Farani e melo no te Ekalesia o Farani, o Jim Roy to'na i'oa, ua imi oia i te mau taata momoni, e ua itehia e a'na, e ua oaoa roa oia. Ua fariihia oia e te amaa Farani.

PARAU FAAITE NA TE MAU PUPU

TE HAAPIIRAA SABATI. No te mau ava'e Eperela, Me, Tiunu, te irava tamau aau.: "*Tei ia'u te tia-faahou-raa e te ora, o te faaroo mai ia'u ra, pohe noa oia e ora a ia.*" *Ioane 11:25*

PARAIMERE: Te Irava tamau aau no te ava'e Eperela; *Te faaroo nei matou e, o taua mau faaueraa ra; te matamua ra, o te faaroo ia i to tatau Fatu ia Iesu Mesia; te piti ra, te tatarahapa ia; te toru ra, te bapetizoraa ia i raro i te pape ia matara te hara; te maha ra, te tuuraa rima ia no te horoaraa'tu i te Varua Maitai.*"

FEIA API: Te irava tamau aau: no te ava'e Eperela." *Teie hoi te ora mure ore, ia ite ratou ia oe i te Atua mau ra, e ia Iesu i te Mesia i ta oe i tonono mai.*" *Ioane 17:4.*

TF MAU TUAHINE: Te irava tamau aau no te ava'e Eperela, Me, e Tiunu: "Ia tatarahapa outou, e ora ia outou i reira, e ia ore outou ia tatarahapa, e hoparaa-e-hia outou ia tae te mahana hopea ra."

Te Hoho'a No Ta Tatou Ve'a. Te Fare MENEMENE.

I nia i ta tatou tapoi ve'a e ite mai ia outou i te hoho'a no te fare rahi MENEMENE a te Ekalesia a Iesu Mesia i te Feia Mo'a i te Mau Mahana Hopea Nei, i Roto Miti, Utaha. Ua haamatahia to'na hamaniraa i te matahiti 1863, e ua faatohia i te matahiti 1897, oia hoi, e 13 matahiti i muri iho.

E piti hanere e pae ahuru avae te roa, e hoê hanere e pae ahuru ava'e to'na aano. Aita e pou toroto ia'na no te tapearaa i to'na aroaro. I te mau tau amuiraa a te Ekalesia ua tae e hoê ahuru tauatini taata i roto ia'na, e no te huru o to'na hamaniraa ua faaroo-maitai-hia te mau parau atoa i a'o hia maira.

I te matamua aita e naero auri ta te mau taata, e no reira ua pinehia te raau e te pine raau, tamauhia ihora te iri puaa rari, e ia maro ua etaeta te mau tuatiraa raau i hamanihia ra.